

Na osnovu člana IV. B. 7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O MIKROKREDITNIM ORGANIZACIJAMA

Proglašava se Zakon o mikrokreditnim organizacijama koji je donio Parlament Federacije BiH na sjednici Zastupničkog doma od 30. augusta 2006. godine i na sjednici Doma naroda od 5. septembra 2006. godine.

Broj 01-02-695/06 27. septembra 2006. godine Sarajevo

Predsjednik **Niko Lozančić**, v. r.

ZAKON O MIKROKREDITNIM ORGANIZACIJAMA

I. OPŠTE ODREDBE

Član 1.

Ovim se Zakonom uređuje osnivanje, registrovanje, djelatnost, oblik organizovanja, poslovanje, način upravljanja, prestanak rada i nadzor poslovanja mikrokreditnih organizacija u Federaciji Bosne i Hercegovine (u daljem tekstu: Federacija).

Član 2.

Mikrokreditna organizacija je u smislu ovoga Zakona nedepozitna finansijska organizacija čija je osnovna djelatnost davanje mikrokredita.

Mikrokreditna organizacija obavlja djelatnost mikrokreditiranja u skladu sa ovim Zakonom, s ciljem poboljšanja materijalnoga položaja korisnika mikrokredita, povećanja uposlenosti, pružanja podrške razvoju poduzetništva i stjecanja dobiti.

Član 3.

Mikrokreditna organizacija je pravna osoba koja se može osnovati i poslovati kao mikrokreditno društvo ili mikrokreditna fondacija.

Svojstvo pravne osobe mikrokreditno društvo stječe upisom u registar poslovnih subjekata kod nadležnoga suda (u daljnjem tekstu: sudski registar) u skladu sa ovim Zakonom i Zakonom

o

registraciji poslovnih subjekata u Federaciji Bosne i Hercegovine ("Službene novine Federacije BiH", br. 27/05 i 68/05).

Svojestvo pravne osobe mikro kreditna fondacija stiče upisom u registar fondacija sukladno ovome Zakonu i Zakonu o udruženjima i fondacijama Federacije Bosne i Hercegovine ("Službene novine Federacije BiH", broj 45/02).

Prijava za upis u sudski registar odnosno registar fondacija podnosi se najkasnije 30 dana od dana dobivanja dozvole za rad za obavljanje poslova davanja mikro kredita (u daljnjem tekstu: dozvola) Agencije za bankarstvo Federacije Bosne i Hercegovine (u daljnjem tekstu: Agencija).

U sudski se registar upisuju i organizacijski dijelovi mikro kreditnoga društva, osim u slučaju iz člana 9. stav 1. ovoga Zakona.

U registar fondacija upisuju se organizacijski dijelovi mikro kreditnih fondacija, osim u slučaju iz člana 9. stav 1. ovoga Zakona.

Član 4.

Mikro kredit u smislu odredaba ovoga Zakona je kredit koji se može odobriti u najvećem iznosu do 50.000 KM od mikro kreditnoga društva ili do 10.000 KM od mikro kreditne fondacije.

U ograničenje iz stava 1. ovoga člana uključuju se svi krediti iste mikro kreditne organizacije i grupe osoba povezanih s mikro kreditnom organizacijom dati istomu korisniku kredita, koji se zbrajaju.

Osobama povezanim s mikro kreditnom organizacijom iz stava 2. ovoga člana posebno se smatraju:

1. članovi nadzornoga odbora mikro kreditnoga društva odnosno upravnoga odbora mikro kreditne fondacije, uprave mikro kreditnoga društva i direktor mikro kreditne fondacije, članovi odbora za reviziju i drugih tijela mikro kreditne organizacije te članovi njihove uže porodice do trećega stepena po krvnome srodstvu ili braku, ili osobe koje žive u istome domaćinstvu ili imaju međusobno povezane ili zajedničke investicije;
2. osnivači mikro kreditnih fondacija, osobe sa značajnim vlasničkim interesom, odnosno glasačkim pravom u mikro kreditnome društvu, te članovi njihove uže porodice do trećega stepena po krvnome srodstvu ili braku, ili osobe koje žive u istome domaćinstvu, ili imaju međusobno povezane ili zajedničke investicije;
3. pravne osobe u kojima mikro kreditna organizacija ima značajan vlasnički interes;
4. pravne osobe u kojima značajan vlasnički interes odnosno glasačko pravo imaju iste pravne ili fizičke osobe koje imaju značajan vlasnički interes odnosno glasačko pravo u mikro kreditnome društvu, odnosno su osnivačji mikro kreditne fondacije;
5. pravne osobe u kojima je imatelj značajnoga vlasničkog interesa član nadzornoga odbora mikro kreditnoga društva odnosno upravnoga odbora mikro kreditne fondacije, uprave mikro kreditnoga društva i direktor mikro kreditne fondacije, članovi odbora za reviziju i drugih tijela mikro kreditne organizacije jeste jedna od osoba spomenutih u tač. 1. do 4. ovoga člana i
6. povezane osobe osnivača mikro kreditne fondacije odnosno vlasnika mikro kreditnoga društva.

Član 5.

Poslove davanja mikrokredita kao djelatnost mogu obavljati isključivo mikrokreditne organizacije koje su za obavljanje tih poslova dobile dozvolu Agencije i izvršile upis u sudski registar ili registar fondacija.

Dozvola iz stava 1. ovoga člana izdaje se na neodređeno vrijeme i nije prenosiva.

Agencija propisuje uvjete koji moraju biti ispunjeni i dokumentaciju koja se podnosi za izdavanje dozvole iz stava 1. ovoga člana.

Član 6.

Mikrokreditna organizacija može obavljati djelatnost mikrokreditiranja u svome sjedištu i u organizacijskim dijelovima izvan sjedišta.

Organizacijski dijelovi mikrokreditne organizacije iz stava 1. ovoga člana i njihova ovlašćenja utvrđuju se statutom mikrokreditne organizacije i imaju ovlašćenja u platnome prometu.

Organizacijski dio strane mikrokreditne organizacije koji želi da se bavi mikrokreditnom djelatnošću u Federaciji mora se registrovati kao pravna osoba i dužan je dobiti dozvolu iz člana 5. stav 1. ovoga Zakona i ispuniti uvjete koje propisuje Agencija.

II. OSNIVANJE MIKROKREDITNE ORGANIZACIJE

Član 7.

Mikrokreditnu organizaciju mogu osnovati najmanje tri domaće ili strane fizičke osobe ili najmanje jedna domaća ili strana pravna osoba, pod uvjetima utvrđenim ovim Zakonom.

Osoba koja je osnivačkim aktom ovlašćena za zastupanje mikrokreditne organizacije podnosi Agenciji zahtjev za izdavanje dozvole s dokazima o ispunjavanju uvjeta i propisanom dokumentacijom, sukladno članu 5. stav 3. ovoga Zakona.

O odobravanju ili odbijanju zahtjeva za izdavanje dozvole iz stava 2. ovoga člana Agencija donosi rješenje u roku od 60 dana od dana prijama urednoga i potpunoga zahtjeva.

Član 8.

Agencija daje saglasnost na osnivačke i druge akte mikrokreditne organizacije koje propiše Agencija, kao i izmjene i dopune ovih akata sukladno ovome Zakonu.

Član 9.

Mikrokreditna organizacija sa sjedištem u Federaciji može obavljati djelatnost davanja mikrokredita osnivanjem organizacijskih dijelova u Federaciji bez dozvole Agencije, kada se takvi organizacijski dijelovi ne upisuju u registar.

Mikrokreditna organizacija sa sjedištem u Federaciji može obavljati djelatnost davanja mikrokredita izvan Federacije osnivanjem organizacijskih dijelova sukladno ovome Zakonu i propisima zemlje, odnosno entiteta u kome namjerava obavljati djelatnost.

O osnovanom organizacijskom dijelu izvan Federacije mikrokreditna organizacija dužna je obavijestiti Agenciju u roku od osam dana od dana upisa u registar organizacijskoga dijela.

Član 10.

Mikrokreditne organizacije sa sjedištem u Republici Srpskoj i Brčko Distriktu Bosne i Hercegovine (u daljnjem tekstu: Brčko Distrikt) mogu osnivati organizacijske dijelove u Federaciji.

Za osnivanje organizacijskih dijelova iz stava 1. ovoga člana mikrokreditne organizacije su dužne dobiti dozvolu Agencije.

Agencija propisuje uvjete koji moraju biti ispunjeni i dokumentaciju koja se podnosi za izdavanje dozvole iz stava 2. ovoga člana.

U slučaju prestanka ispunjavanja uvjeta iz stava 3. ovoga člana Agencija će oduzeti izdatu dozvolu.

Postupak oduzimanja izdate dozvole Agencija propisuje svojim aktom.

Član 11.

Statut mikrokreditne organizacije, pored obavezujućih elemenata utvrđenih zakonima koji se, ako ovim Zakonom nije drukčije uređeno, shodno primjenjuju na mikrokreditne organizacije, mora sadržavati i odredbe o pitanjima na koje ovaj zakon upućuje da budu statutom uređene.

Član 12.

Rješenja su Agencije konačna.

Protiv rješenja Agencije iz stava 1. ovoga člana mikrokreditna organizacija može pokrenuti upravni spor tužbom pred nadležnim sudom.

Član 13.

Agencija vodi registar mikrokreditnih organizacija sa sjedištem u Federaciji i registar organizacijskih dijelova u Federaciji mikrokreditnih organizacija iz Republike Srpske, Brčko Distrikta i organizacijskih dijelova stranih organizacija.

Podaci su iz registra mikrokreditnih organizacija javni.

Član 14.

Mikrokreditne organizacije mogu osnovati neovisno, dobrovoljno i neprofitno udruženje mikrokreditnih organizacija.

Udruženje mikrokreditnih organizacija osniva se zaključivanjem ugovora o osnivanju i usvajanjem statuta i drugih općih akata.

Statut udruženja mikrokreditnih organizacija mora sadržavati klauzulu da mikrokreditne organizacije ne mogu potpisivati ugovore s drugim mikrokreditnim organizacijama ili

udruženjima mikrokreditnih organizacija koji bi mogli ograničiti načelo slobodnoga tržišta i transparentne konkurencije u poslovanju mikrokreditnih organizacija.

III. DJELATNOST MIKROKREDITNE ORGANIZACIJE

Član 15.

Mikrokreditna organizacija može obavljati samo poslove odobravanja mikrokredita kao osnovnu djelatnost upisanu u sudski registar odnosno registar fondacija.

Mikrokreditna organizacija može obavljati u manjem obimu ili privremeno i druge djelatnosti koje služe i koje se uobičajeno obavljaju uz djelatnost mikrokreditiranja, uključujući:

- a) primanje i davanje darova i donacija i pribavljanje novčanih sredstava i drugih oblika imovine iz bilo kojega zakonitog izvora;
- b) davanje i uzimanje u zalog/hipoteku imovine, uključujući mikrokredite radi osiguranja pozajmica i
- c) kreditne konzultacije, poslovno savjetovanje i tehničku pomoć u cilju unaprjeđenja kreditnih aktivnosti mikrokreditne organizacije i poslovnih aktivnosti korisnika mikrokredita.

Mikrokreditna organizacija ne može primati novčane depozite i uloge na štednju od fizičkih i pravnih osoba.

Član 16.

Mikrokreditna organizacija je dužna propisati i učiniti dostupnim javnosti uvjete odobravanja mikrokredita, koji mogu uključivati odredbe o načinu osiguranja mikrokredita, odnosno založnome pravu nad stvarima ili pravima korisnika mikrokredita.

Član 17.

Mikrokreditna organizacija dužna je objavljivati efektivnu kamatnu stopu na mikrokredite.

Način obračuna i iskazivanja efektivne kamatne stope na mikrokredite iz stava 1. ovoga člana propisuje Agencija.

IV. IZVJEŠTAVANJE I REVIZIJA

Član 18.

Mikrokreditna organizacija je obavezna voditi i čuvati knjigovodstvene evidencije i dokumente, te sastavljati i objavljivati finansijske izvještaje sukladno propisima kojima se uređuje oblast računovodstva i revizije.

Finansijske izvještaje iz stava 1. ovoga člana mikro kreditna organizacija dužna je podnositi nadležnim tijelima na način i u rokovima utvrđenim zakonom i drugim propisima kojima se uređuje oblast računovodstva i revizije.

Mikro kreditna organizacija dužna je imenovati, uz saglasnost Agencije, vanjskoga revizora koji će izvršiti reviziju godišnjih finansijskih izvještaja i sačiniti revizorski izvještaj, sukladno zakonu i drugim propisima kojima se uređuje oblast računovodstva i revizije.

Mikro kreditna organizacija obavezna je Agenciji dostaviti godišnji finansijski izvještaj, zajedno s revizorskim izvještajem, najkasnije pet mjeseci po isteku poslovne godine na koju se izvještaji odnose.

Mikro kreditna organizacija je dužna da revizorske izvještaje, u skraćenome obliku, u roku od 30 dana po njegovom prijemu, objavi u jednome ili više dnevnih novina dostupnih na cijelome teritoriju Bosne i Hercegovine i o tome, uz dostavu preslika objave, odmah obavijesti Agenciju.

Član 19.

Mikro kreditna organizacija dužna je dostavljati Agenciji izvještaje o poslovanju u obliku, sadržaju i rokovima koje propisuje Agencija, kao i staviti na uvid poslovne knjige i dokumentaciju radi obavljanja kontrole.

V. NADZOR MIKROKREDITNIH ORGANIZACIJA

Član 20.

Agencija vrši nadzor nad poslovanjem:

- mikro kreditnih organizacija sa sjedištem u Federaciji kao i njihovih organizacijskih dijelova u Federaciji;
 - organizacijskih dijelova u Federaciji mikro kreditnih organizacija iz Republike Srpske i Brčko Distrikta, i
- organizacijskih dijelova stranih organizacija.

Nadzor nad radom organizacijskih dijelova mikro kreditnih organizacija iz Federacije u Republici Srpskoj i Brčko Distriktu Agencija obavlja u sjedištu mikro kreditne organizacije.

Agencija nalaže mjere za otklanjanje nepravilnosti utvrđenih u vršenju nadzora.

Član 21.

Agencija svojim aktom propisuje način vršenja nadzora, postupak izdavanja naloga i poduzimanje mjera, kao i rokove za otklanjanje utvrđenih nezakonitosti i nepravilnosti.

1. Oduzimanje dozvole

Član 22.

Agencija će oduzeti mikro kreditnoj organizaciji dozvolu za obavljanje poslova davanja mikro kredita ako mikro kreditna organizacija:

1. u roku od 30 dana od dana izdavanja dozvole ne podnese zahtjev za upis u nadležni registar,
2. u roku od četiri mjeseca od upisa u nadležni registar ne počne obavljati poslove mikro kreditiranja ili ako te poslove ne obavlja u razdoblju dužem od 6 mjeseci,
3. je dozvolu pribavila na temelju lažnih navoda i podataka kojima je Agencija dovedena u zabludu,
4. prestane ispunjavati uvjete propisane za dobijanje dozvole,
5. ne održava temeljni kapital, odnosno ulog i pričuve najmanje u minimalnome iznosu utvrđenom ovim Zakonom i propisima Agencije,
6. obavlja djelatnosti koje nisu poslovi mikro kreditiranja,
7. u roku utvrđenom aktom Agencije ne postupi po nalogu za otklanjanje utvrđenih nezakonitosti, odnosno nepravilnosti,
8. ne ispunjava uvjete za poslovanje i poslove davanja mikro kredita ne obavlja sukladno odredbama ovoga Zakona i aktima Agencije,
9. ako je donesena pravomoćna presuda koja predstavlja smetnju za obavljanje poslova i
10. ima odluku osnivača o likvidiranju mikro kreditne organizacije.

Član 23.

Mikro kreditne organizacije dužne su Agenciji plaćati naknadu za vršenje poslova nadzora i kontrole sukladno propisanoj tarifi naknada Agencije.

VI. OBLIK ORGANIZOVANJA MIKROKREDITNE ORGANIZACIJE

1. Mikro kreditno društvo

1.1. Osnivanje

Član 24.

Mikro kreditno društvo osniva se i posluje kao privredno društvo s ograničenom odgovornošću ili dioničko društvo.

Odredbe Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03 i 68/05) primjenjuju se na mikro kreditno društvo, ako ovim Zakonom nije drukčije propisano.

Naziv mikro kreditnoga društva, pored obavezujućih elemenata koji su sukladni zakonu iz stava 2. ovoga člana, mora sadržavati oznaku "mikro kreditno društvo".

Nitko ne smije koristiti oznaku "mikro kreditno društvo" u smislu označavanja djelatnosti bez dozvole Agencije.

Član 25.

Za upis mikrokreditnoga društva u sudski registar, pored opštih uvjeta propisanih za upis u registar poslovnih subjekata, dozvola Agencije iz člana 5. stav 1. ovoga Zakona predstavlja poseban uvjet.

Osoba ovlašćena za zastupanje mikrokreditnoga društva dužna je Agenciji podnijeti prijavu o svakoj promjeni podataka ili dokumenata na temelju kojih je izdana dozvola iz člana 5. stav 1. ovoga Zakona, u roku od osam dana od dana nastanka takve promjene.

Promjene podataka ili dokumenata iz stava 2. ovoga člana prijavljuju se za upis u sudski registar, u slučaju kada je takva obaveza predviđena zakonom iz člana 24. stav 2. ovoga Zakona.

1.2. Kapital

Član 26.

Minimalan iznos osnovnoga kapitala mikrokreditnoga društva iznosi 500.000 KM i u cijelosti mora biti uplaćen u novcu.

Osnovni kapital mikrokreditnoga društva uplaćen u stvarima i pravima izraženim u novčanoj vrijednosti procjenjuje ovlašćeni procjenitelj.

Minimalan iznos osnovnoga kapitala koji mikrokreditno društvo mora održavati ne može biti manji od iznosa utvrđenoga u stavu 1. ovoga člana.

Upłaćenim se osnovnim kapitalom ne može smatrati kapital koji je:

- a) finansiran sredstvima kredita koji je odobrilo mikrokreditno društvo u čiji kapital se vrši uplata;
- b) finansiran sredstvima kredita koji je druga mikrokreditna organizacija ili banka odobrila za drugu namjenu ili
- c) finansiran sredstvima kredita čiji je povrat jamčilo mikrokreditno društvo u čiji se kapital vrši uplata.

1.3. Rezerve

Član 27.

Mikrokreditno društvo dužno je uspostaviti i održavati obavezne rezerve za pokriće kreditnih gubitaka sukladno Zakonu o privrednim društvima.

Osim obavezne rezerve, mikrokreditno je društvo dužno sukladno propisu Agencije formirati i održavati rezerve za pokriće kreditnih gubitaka.

1.4. Tijela

Član 28.

Tijela mikrokreditnoga društva su:

1. skupština,
2. nadzorni odbor,
3. uprava, koju čine direktor i izvršni direktori,
4. odbor za reviziju, koji se sastoji od najmanje tri člana koja imenuje Nadzorni odbor.

Statutom mikrokreditnoga društva može se utvrditi da se u mikrokreditnome društvu bira i odbor izvršnih direktora.

Izbor, opoziv i djelokrug tijela mikrokreditnoga društva i njegovo zastupanje uređuju se statutom.

1.5. Statusne promjene

Član 29.

Više mikrokreditnih društava mogu se spojiti u novo mikrokreditno društvo, čime prestaju postojati, a novo mikrokreditno društvo postaje njihov pravni sljednik.

Mikrokreditno društvo se može pripojiti drugomu mikrokreditnom društvu, čime prestaje postojati, a mikrokreditno društvo kojem je pripojeno postaje njegov pravni sljednik.

Mikrokreditno društvo može se podijeliti tako da prestane postojati prenoseći imovinu i obaveze na više postojećih ili novih mikrokreditnih društava, koja postaju njegovi pravni sljednici.

Član 30.

U slučaju statusnih promjena spajanja, pripajanja ili podjele iz člana 29. ovoga Zakona mikrokreditno društvo je dužno, prije podnošenja prijave za upis u sudski registar, dobiti dozvolu Agencije za statusnu promjenu.

Novoosnovano mikrokreditno društvo koje nastaje statusnim promjenama iz člana 29. ovoga Zakona prije upisa u sudski registar mora dobiti od Agencije dozvolu za obavljanje poslova davanja mikrokredita.

Uz zahtjev za dobijanje dozvole iz stava 1. ovoga člana mikrokreditno društvo dužno je Agenciji podnijeti sljedeću dokumentaciju:

- odluku ili ugovor o osnivanju i statut mikrokreditnoga društva koje postaje pravni sljednik;
- podatke o vlasnicima udjela ili dionica mikrokreditnoga društva koje postaje pravni sljednik;
- podatke o članovima tijela mikrokreditnoga društva koje postaje pravni sljednik;
- finansijske izvještaje i opis metoda na temelju kojih je utvrđena vrijednost i raspodjela imovine i obaveza u postupku spajanja, pripajanja ili podjele mikrokreditnih društava;
- elaborat o ekonomskoj opravdanosti i plan poslovanja mikrokreditnoga društva nastalog nakon statusne promjene.

Osim dokumentacije iz stava 3. ovoga člana Agencija može propisati i uvjete koji moraju biti ispunjeni i dokumentaciju koja se mora podnijeti za dobijanje dozvole iz stava 1. ovoga člana

Član 31.

O odobravanju ili odbijanju zahtjeva za izdavanje dozvole za statusnu promjenu iz člana 29. ovoga Zakona Agencija donosi rješenje u roku od 60 dana od dana prijama urednoga i potpunoga zahtjeva.

1.6. Prestanak rada

Član 32.

Mikrokreditno društvo prestaje s radom na način i u slučajevima utvrđenim njegovim osnivačkim aktom, statutom, danom pravomoćnosti rješenja Agencije o oduzimanju dozvole za slučajeve iz člana 22. ovoga Zakona, ovim Zakonom i Zakonom o privrednim društvima.

U slučaju prestanka rada mikrokreditnoga društva danom pravomoćnosti rješenja Agencije o oduzimanju dozvole iz stava 1. ovoga člana, Agencija po službenoj dužnosti podnosi zahtjev nadležnome sudu za donošenje odluke o prestanku i brisanju mikrokreditnoga društva iz sudskoga registra.

1.7. Likvidacija i stečaj

Član 33.

U slučaju nastanka posebnoga zakonskog razloga za prestanak mikrokreditnoga društva iz člana 32. stav 2. ovoga Zakona, nad mikrokreditnim društvom provodi se postupak likvidacije ili stečaja sukladno zakonima kojima se propisuje postupak likvidacije i stečaja.

2. Mikrokreditna fondacija

2.1. Osnivanje

Član 34.

Odredbe Zakona o udruženjima i fondacijama Federacije Bosne i Hercegovine primjenjuju se na mikrokreditnu fondaciju ako ovim Zakonom nije drukčije propisano.

Naziv mikrokreditne fondacije, osim obavezujućih elemenata koji su sukladni Zakonu iz stava 1. ovoga člana, mora sadržavati oznaku "mikrokreditna fondacija".

Nitko ne smije bez dozvole Agencije koristiti oznaku "mikrokreditna fondacija" u smislu označavanja djelatnosti.

Član 35.

Za upis mikrokreditne fondacije u registar fondacija, osim opštih uvjeta koji su propisani za osnivanje i upis u registar fondacija, dozvola Agencije iz člana 5. stav 1. ovoga Zakona predstavlja poseban uvjet.

Osoba ovlašćena za zastupanje mikrokreditne fondacije dužna je obavijestiti Agenciju o svakoj promjeni podataka ili dokumenata na temelju kojih je izdata dozvola iz člana 5. stav 1. ovoga Zakona, u roku od osam dana od dana nastanka takve promjene.

Promjene podataka ili dokumenata iz stavka 2. ovoga člana prijavljuju se za upis u registar fondacija u slučaju kada je takva obaveza predviđena Zakonom iz člana 34. stav 1. ovoga Zakona.

2.2. Kapital

Član 36.

Prilikom osnivanja mikro kreditne fondacije, ulogi osnivaatelja mogu biti uplaćeni u novcu i stvarima i pravima izraženim u novčanoj vrijednosti, pri čemu uplaćeni ulogi u novcu moraju iznositi najmanje 50.000 KM.

Uloge u stvarima i pravima procjenjuje ovlašćeni procjenitelj.

Minimalan iznos ukupno unesenih novčanih uloga osnivaatelja koji mikro kreditna fondacija mora održavati ne može biti manji od novčanoga iznosa utvrđenog u stavu 1. ovoga člana.

Uplaćenim se ulogom ne može smatrati ulog koji je:

- a) finansiran sredstvima kredita koji je odobrila mikro kreditna fondacija u koju se vrši uplata uloga;
- b) finansiran sredstvima kredita koji je druga mikro kreditna organizacija ili banka odobrila za drugu namjenu ili
- c) finansiran sredstvima kredita čiji je povrat jamčila mikro kreditna fondacija u čiji se kapital vrši uplata uloga.

2.3. Rezerve

Član 37.

Mikro kreditna fondacija dužna je sukladno propisu Agencije formirati i održavati obavezujuće rezerve za pokriće kreditnih gubitaka.

Član 38.

Mikro kreditna fondacija ne smije izvršiti bilo kakav pravni posao u kojem bi platila, odnosno naplatila iznos značajno različit od razumne tržišne vrijednosti robe ili usluga koje mikro kreditna fondacija u zaključenome pravnom poslu prima, odnosno daje.

Mikro kreditna fondacija ne može davati mikro kredite povezanim osobama.

Član 39.

Višak prihoda nad rashodima mikro kreditna je fondacija dužna investirati u obavljanje mikro kreditne djelatnosti sukladno ovome Zakonu.

Nije dozvoljena izravna ili neizravna raspodjela viška prihoda nad rashodima iz stava 1. ovoga člana osnivačima, članovima tijela, odgovornim osobama i uposlenima u mikro kreditnoj fondaciji i drugim povezanim osobama, donatorima i trećim osobama.

2.4. Tijela

Član 40.

Tijela mikrokreditne fondacije su:

1. upravni odbor, kao tijelo upravljanja, koje imenuju osnivači,
2. direktor, kao tijelo rukovođenja i
3. odbor za reviziju, koji se sastoji od najmanje tri člana koje imenuje upravni odbor.

Statutom se mikrokreditne fondacije može utvrditi da se u mikrokreditnoj fondaciji biraju i skupština i odbor izvršnih direktora.

Izbor, opoziv i djelokrug tijela mikrokreditne fondacije i njeno zastupanje uređuju se statutom, kao temeljnim općim aktom mikrokreditne fondacije.

2.5. Statusne promjene

Član 41.

Više se mikrokreditnih fondacija mogu spojiti u novu mikrokreditnu fondaciju, čime prestaju postojati, a nova mikrokreditna fondacija postaje njihov pravni sljednik.

Mikrokreditna fondacija može se pripojiti drugoj mikrokreditnoj fondaciji, čime prestaje postojati, a mikrokreditna fondacija kojoj je pripojena postaje njen pravni sljednik.

Mikrokreditna fondacija može se podijeliti na više mikrokreditnih fondacija, čime prestaje postojati, prenoseći imovinu i obaveze na više postojećih ili novih mikrokreditnih fondacija, koje postaju njeni pravni sljednici.

Član 42.

Radi ostvarivanja svojih statutarnih ciljeva i djelatnosti, mikrokreditna fondacija može svoju imovinu uložiti i prenijeti tako da, samostalno ili zajedno s drugim domaćim i stranim fizičkim i pravnim osobama, osniva novo mikrokreditno društvo ili stječe vlasničke udjele u postojećim mikrokreditnim društvima, na način utvrđen statutom mikrokreditne fondacije, ovim Zakonom i zakonom koji se shodno primjenjuje na mikrokreditne organizacije ako ovim Zakonom nije drukčije uređeno.

Prihode ostvarene po osnovu vlasničkih udjela u mikrokreditnome društvu, mikrokreditna fondacija može koristiti samo za obavljanje djelatnosti i ostvarivanje ciljeva utvrđenih statutom mikrokreditne fondacije, sukladno ovome Zakonu.

Na poslovanje mikrokreditnoga društva iz stava 1. ovoga člana s povezanim osobama primjenjuju se ista ograničenja koja se odnose na mikrokreditne fondacije sukladno članu 38. ovoga Zakona.

Član 43.

U slučaju statusnih promjena spajanja, pripajanja ili podjele iz člana 41. ovoga Zakona mikro kreditna fondacija je dužna da, prije podnošenja prijave za upis u registar fondacija, dobije dozvolu Agencije za statusnu promjenu.

Novoosnovana mikro kreditna fondacija koja nastaje statusnim promjenama iz člana 41. i novoosnovano mikro kreditno društvo koje nastaje ulaganjem sukladno članu 42. stavak 1. ovoga Zakona, prije upisa u registar fondacija odnosno sudski registar, mora dobiti od Agencije dozvolu za obavljanje poslova davanja mikro kredita.

Uz zahtjev za dobijanje dozvole za statusnu promjenu mikro kreditna fondacija dužna je Agenciji podnijeti sljedeću dokumentaciju:

1. odluku ili ugovor o osnivanju i statut mikro kreditne fondacije koja postaje pravni sljednik, odnosno mikro kreditnoga društva u koje mikro kreditna fondacija ulaže imovinu;

2. podatke o osnivačima mikro kreditne fondacije koja postaje pravni sljednik, odnosno vlasnicima udjela mikro kreditnoga društva u koje se vrši ulaganje imovine;

3. podatke o članovima tijela upravljanja i ravnatelju mikro kreditne fondacije koja postaje pravni sljednik, odnosno mikro kreditnoga društva u koje se vrši ulaganje,

4. finansijske izvještaje i opis metoda na temelju kojih je utvrđena vrijednost i podjela imovine i obveza u postupku spajanja, pripajanja ili podjele mikro kreditnih fondacija;

5. u slučaju ulaganja iz člana 42. stav 1. ovoga Zakona, finansijski izvještaji i opis metoda na temelju kojih je pri tome utvrđena vrijednost i alokacija imovine koju prenosi i vrijednost udjela koji stječe mikro kreditna fondacija, u odnosu prema uloženoj vrijednosti imovine i udjela koji stječe svaki drugi sudionik u tome postupku;

6. elaborat o ekonomskoj opravdanosti i plan poslovanja mikro kreditne organizacije nastale nakon statusne promjene.

Osim dokumentacije iz st. 2. i 3. ovoga člana Agencija može propisati i dodatne uvjete koji moraju biti ispunjeni i dokumentaciju koja se mora podnijeti za dobijanje dozvole iz stavka 1. ovoga člana.

Agencija može odbiti da izda dozvolu iz stava 1. ovoga člana u slučaju da utvrdi da planirani prijenos imovine i obveza nije sukladan članu 38. stav 1. ovoga Zakona.

Član 44.

O odobravanju ili odbijanju zahtjeva za izdavanje dozvole za statusnu promjenu Agencija donosi rješenje u roku od 60 dana od dana prijama urednoga i potpunoga zahtjeva.

2.6. Prestanak rada

Član 45.

Mikro kreditna fondacija prestaje na način i u slučajevima utvrđenim njenim osnivačkim aktom i/ili statutom, ovim Zakonom, Zakonom o udrugama i fondacijama Federacije Bosne i Hercegovine i danom pravomoćnosti rješenja Agencije o oduzimanju dozvole za obavljanje poslova davanja mikro kredita iz člana 5. stav 1. ovoga Zakona.

U slučaju prestanka rada mikroreditne fondacije danom pravomoćnosti rješenja Agencije o oduzimanju dozvole iz stavka 1. ovoga člana, Agencija po službenoj dužnosti podnosi zahtjev za brisanje mikroreditne fondacije iz registra fondacija.

Troškove podnošenja zahtjeva iz stavka 2. ovoga člana snosi mikroreditna fondacija.

Član 46.

Ostatak imovine, nakon izmirenja obveza mikroreditne fondacije koja prestaje, sukladno odredbama člana 45. ovoga Zakona, raspoređuje se odlukom tijela upravljanja mikroreditne fondacije, sukladno Zakonu o udruženjima i fondacijama Federacije Bosne i Hercegovine.

Ukoliko, u roku od 30 dana od dana pravomoćnosti rješenja Agencije o oduzimanju dozvole iz člana 5. stav 1. ovoga Zakona tijelo upravljanja mikroreditne fondacije ne donese i ne dostavi Agenciji odluku iz stava 1. ovoga člana, Agencija će u roku od 30 dana po službenoj dužnosti donijeti rješenje o raspoređivanju ostatka imovine sukladno Zakonu o udruženjima i fondacijama Federacije Bosne i Hercegovine.

VII. KAZNENE ODREDBE

1. Kaznena djela

Član 47.

Tko se bez dozvole ili protivno uvjetima pod kojima je ona data bavi mikroreditnom djelatnošću, kaznit će se zatvorom od tri mjeseca do pet godina.

Ako je djelom iz stava 1. ovoga člana pribavljena imovinska korist koja prelazi iznos od 10.000 KM, počinitelj će biti kažnjen zatvorom od jedne do osam godina, ako taj iznos prelazi 50.000 KM, bit će kažnjen zatvorom od dvije do deset godina, a ako taj iznos prelazi 200.000 KM bit će kažnjen zatvorom od najmanje pet godina.

Član 48.

Novčanom kaznom u iznosu od 1.500 KM do 15.000 KM bit će za prekršaj kažnjena mikroreditna organizacija koja:

1. odobri mikroredit suprotno odredbama članka 4. ovoga Zakona;
2. primjenjuje opći akt za koji nije dobila suglasnost Agencije (član 8.);
3. u propisanome roku ne obavijesti Agenciju o osnivanju organizacijskih dijelova koji se ne upisuju u nadležne registre (član 9.);
4. bez dozvole Agencije osnuje organizacijski dio mikroreditne organizacije (član 9.);
5. ima sjedište u Republici Srpskoj i Brčko Distriktu, a bez dozvole Agencije otvori organizacijski dio u Federaciji (član 10. stav 2.);
6. suprotno odredbi člana 15. obavlja djelatnosti koje ne služe i koje se uobičajeno ne obavljaju uz djelatnost mikroreditiranja;
7. primi novčane depozite od fizičkih ili pravnih osoba (član 15. stav 3.);

8. ne propiše i ne učini dostupnim javnosti uvjete davanja mikrokredita (član 16.);
9. ne objavi efektivnu kamatnu stopu na mikrokredite (član 17.);
10. ne obavijesti Agenciju i javnost sukladno propisanim uvjetima i ne dostavi Agenciji finansijske izvještaje i izvještaje revizora (član 18.);
11. ne dostavi Agenciji izvještaje o poslovanju sukladno propisima Agencije (član 19.); i
12. obavi transakciju primanja odnosno davanja robe ili usluga suprotno odredbama član 38. stav 1. ovoga Zakona.

Novčanom kaznom u iznosu od 1.500 KM do 15.000 KM bit će za prekršaj kažnjeno mikrokreditno društvo koje:

1. se upiše u sudski registar ili nastupi u pravnome prometu neovlašćeno koristeći naziv "mikrokreditno društvo" (član 24. stav 4. i član 25. stav 1.);
2. u propisanome roku ne podnese Agenciji prijavu promjene bitnih podataka na osnovu kojih je izdata dozvola (član 25. stav 2.);
3. izvrši spajanje, pripajanje i podjelu mikrokreditne organizacije bez dozvole Agencije (član 30. stav 1.).

Novčanom kaznom u iznosu od 1.500 KM do 15.000 KM bit će za prekršaj kažnjena mikrokreditna fondacija koja:

1. se upiše u sudski registar ili nastupi u pravnome prometu neovlašćeno koristeći naziv "mikrokreditna fondacija" (član 34. stav 3. i član 35. stav 1.);
2. u propisanome roku ne podnese Agenciji prijavu promjene bitnih podataka na osnovu kojih je izdata dozvola (član 35. stav 2.);
3. obavi transakciju primanja odnosno davanja robe ili usluga protivno odredbama člana 38. stav 1. ovoga Zakona;
4. odobri mikrokredit povezanim osobama (član 38. stav 2.);
5. ostvareni višak prihoda nad rashodima koristi protivno odredbama člana 39. ovoga Zakona;
6. izvrši spajanje, pripajanje i podjelu mikrokreditne organizacije bez dozvole Agencije (član 43. stav 1.).

Novčanom kaznom u iznosu od 500 KM do 1.500 KM bit će za prekršaj kažnjena fizička, odnosno pravna osoba koja:

1. osnuje mikrokreditnu organizaciju i bavi se poslovima davanja mikrokredita ili pribavljanja finansijskih sredstava u tu svrhu i s tim u svezi, bez dozvole Agencije iz člana 7. ovoga Zakona;
2. postupi protivno odredbama člana 38. ovoga Zakona.

Za prekršaj iz st. 1, 2. i 3. ovoga člana bit će kažnjena i odgovorna osoba u mikrokreditnoj organizaciji novčanom kaznom u iznosu od 500 KM do 1.500 KM.

Za prekršaj iz stava 4. ovoga člana bit će kažnjena i odgovorna osoba u pravnoj osobi novčanom kaznom u iznosu od 300 KM do 1.000 KM.

Član 49.

Prekršajni postupak u prvome stupnju vodi i rješenje donosi Povjerenstvo za prekršaje koje imenuje direktor Agencije sukladno Zakonu o prekršajima kojima se povrjeđuju federalni propisi ("Službene novine Federacije BiH, br. 9/96 i 29/00).

Povjerenstvo za prekršaje ima tri člana i vodi prekršajni postupak sukladno Zakonu iz stava 1. ovoga člana i ovim Zakonom.

Agencija donosi poslovnik o organizaciji i radu Povjerenstva za prekršaje.

VIII. PRIJELAZNE I ZAVRŠNE ODREDBE

Član 50.

Mikrokreditne organizacije i predstavništva mikrokreditnih organizacija iz Republike Srpske i Brčko Distrikta u Federaciji koje su osnovane sukladno Zakonu o mikrokreditnim organizacijama ("Službene novine Federacije BiH", broj 24/00) dužne su usuglasiti svoje poslovanje, organizaciju i akte s odredbama ovoga Zakona najkasnije u roku od godinu dana od dana stupanja na snagu ovoga Zakona.

Mikrokreditne organizacije i predstavništva mikrokreditnih organizacija iz Republike Srpske i Brčko Distrikta u Federaciji koje svoje poslovanje, organizaciju i akte ne usuglase s odredbama ovoga Zakona u roku iz stava 1. ovoga člana, prestaju s radom i brišu se iz registra.

Član 51.

Postupci započeti do dana stupanja na snagu ovoga Zakona okončat će se po odredbama Zakona koji je važio prije stupanja na snagu ovoga Zakona.

Član 52.

Mikrokreditna organizacija koja na dan stupanja na snagu ovoga Zakona postoji i posluje sukladno Zakonu o mikrokreditnim organizacijama dužna je u roku od 12 mjeseci od dana stupanja na snagu ovoga Zakona donijeti odluku o promjeni pravnoga oblika i organiziranju u mikrokreditnu fondaciju, donijeti statut, imenovati tijela, pribaviti propisana odobrenja i podnijeti prijavu za upis u nadležni registar sukladno odredbama ovoga Zakona.

Mikrokreditna organizacija koja ne poduzme radnje iz stava 1. ovoga člana bit će brisana iz registra mikrokreditnih organizacija i njena imovina bit će raspoređena sukladno odredbama ovoga Zakona.

Mikrokreditna fondacija organizirana sukladno stavu 1. ovoga člana zakonski je pravni sljednik imovine, prava i obaveza mikrokreditne organizacije koja je donijela odluku o promjeni oblika i organiziranju u mikrokreditnu fondaciju, tako da u tome postupku osnivači nisu dužni unijeti nove uloge u smislu člana 36. stav 1. ovoga Zakona. Do okončanja postupka, odnosno isteka roka iz stava 1. ovoga člana, na mikrokreditne organizacije primjenjuje se Zakon o mikrokreditnim organizacijama i podzakonski akti doneseni na temelju toga zakona.

Član 53.

Propise predviđene ovim Zakonom Agencija će donijeti u roku od šest mjeseci od dana stupanja na snagu ovoga Zakona.

Propisi iz stava 1. ovoga člana objavljuju se u "Službenim novinama Federacije BiH".

Član 54.

Danom stupanja na snagu ovoga Zakona prestaje da važi Zakon o mikrokreditnim organizacijama ("Službene novine Federacije BiH", broj 24/00), i propisi donijeti na temelju toga Zakona osim:

- Uputstva o pismenima koja se prilažu uz zahtjev za odobrenje Federalnoga ministarstva socijalne politike, raseljenih osoba i izbjeglica za otvaranje predstavništava i ureda u Federaciji Bosne i Hercegovine za mikrokreditne organizacije iz Bosne i Hercegovine čije je sjedište izvan Federacije Bosne i Hercegovine ("Službene novine Federacije BiH", broj 13/02).

Član 55.

Ovaj Zakon stupa na snagu narednoga dana od dana objavljivanja u "Službenim novinama Federacije BiH".

Predsjedavajući Doma naroda Parlamenta Federacije BiH Slavko Matić, v. r.

Predsjedavajući Zastupničkog doma Parlamenta Federacije BiH Muhamed Ibrahimović, v. r.